

**Lislaongã Tãn-tuumã a
Muhammad, -Wẽnd puusg
la A tulgr be a yĩnga**

ح) جمعية خدمة المحتوى الإسلامي باللغات، 1445 هـ
باللغات، جمعية خدمة المحتوى الإسلامي
رسول الإسلام - موري. / جمعية خدمة المحتوى الإسلامي
باللغات - ط. ١. - الرياض، ١٤٤٥ هـ

26 ص؛ 14 × 21 سم

ردمك: 978-603-8442-04-3

1445 / 18166

شركاء التنفيذ:



المحتوى الإسلامي



رواد الترجمة



جمعية الربوة



دار الإسلام

يتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص.

Telephone: +966114454900

@ ceo@rabwah.sa

P.O.BOX: 29465

RIYADH: 11557

www.islamhouse.com

Lislaoongã Tĕn-tuumã a Muhammad, -Wĕnd
puusg la A tulgr be a yĭnga

Ne Wĕnd Yuurã Albarka, sĕn ya a Dũni gũbg n yols Naabã, n ya a yooolem raar welg n yols Naabã!

Yaa yõngr bilfu, sĕn kĕed lislaoongã Tĕn-tuumã a Muhammado¹ -
Wĕnd puusg la A tulgr be a yĭnga- yelle, tı m vēnegd a pugĕ n wiligd a
yuurã, la a buudã, la a tĕngã, la a furã, la a tĕn-tumďã, la a sĕn bool n
tug bũmb ningã, la a nabiyaaamdmã tagmas-rãmbã, la a Šari wã, la a
zabd-n-taasã na-kĕndr ne-a.



¹ M gũusa wũsgo, n tõkd wakat fãa gom-biis a yiiĕã (Tĕn-tuumã ne a
Muhammad) tt yaa gũusgu ne gomďã sĕn na n lebg n tug bu-zĕngã yĭnga, bt b gũus
rĕ.

1-A yuurā, la a buudā, la tēng ninga a sēn roge la a bi a pugē wā.

Lslaoongā Tēn-tuumā, yē la a Muhammad, sēn yaa a Abdullaah biiga, sēn yaa a Abdul Muṭalib biiga, sēn yaa a Haašim biiga, b yii a [smaa'ul yagensē wā sēn yaa a [braahum biigā, tulgr be b yīnga; La rēnda, yaa tī Wēnd Nabiyaama a [braahuma, tulgr be a yīnga, a yii Šaam n wa Maka, t'a paga a Haaḡar rag n be ne-a, ne a biiga a [smaa'ul, la mikame t'a na n be nugē. La a zīndga b yīibā Maka, ne sagell sēn yi Wēnd nengē, A Naam yī wagell n zēke, la biigā sēn wa n bi wā, nabiyaamā a [braahum waa Maka, tulgr be a yīnga, n me Kaabā sēn yaa Lohorm Doogā, yē ne a biiga a [smaa'ul, tulgr be b yīibā yīnga, tī nebā wusg Roogā kuremse, tī Mak lebg toglg zīiga ne Wēnd tūudbā sēn yaa bōn-naands Naabā, sēn nong b n maan Hiḡiimdā, la nebā kell n kēnga ne Wēnd tūudmā la A yembgā, n be a [braahum sorā zugu tulgr be ne-a, yuum kobs pugē, Rē poorē tī gōdgr wa kē, tī Laarāb-rāmbā zamaanā tēmsā halhaalā lebg wala tēms taaba sēn be a kurensā, sēn yaa dūni wā tēms fāa gilli, kufēndā yelā n wil a pugē: wala rubsā tūubu, la koam-pugli busb vuse, la pagb wēgbo, la zīri-beed goam, la rāam yūubu, la yel-beed maanego, la kubs arzēgs rubo, la rabaag reegre... Zī-kāngā, la yalε-kāngā puga, la lslaoongā Tēn-tuum rogyā a Muhammad sēn ya a Abdullaah biiga, sēn yi a [smaa'ul yagensē wā a [braahum biigā, tulgr be b yīnga, yuum 572, a Yisa rogmā loogr poorē, a saambā maana kaalem taoor t'a na n ka rog ye, t'a ma wā maan kaalem a yuum a yoob wakato, t'a saam-bila a Abuu Ṭaalb wub-a, rēnd a vumame n yaa kuba, n yaa talga, la a rag n yume n ritē la a baood paango ne a nug tuuma.



2-Albark furã loese ne albark pagã:

La a yuumã sãn wa n yaa pisi la a nu wã, a fura paga, sãn yaa Mak pagba yembre, a hadiigã, sãn yaa a huwaylid bi-puglã, Wënd yard be a yĩnga, la Wënd lok-a la a nengẽ koam-pugli a naase la koam-ribli a yiibu, la a koam-ribli wã maana kaalem b yãadrã wakato, la a tumd-n-taarã ne a pagã la a zakã rãmbã rag n yume n yaa bugsg wusgo la noanglem, rẽ n kut t'a paga a hadiigã bu-a noanglem sãn yaa wusgo, yẽ me yu a la noanglem, la a ka yĩm a pagã yelle, halu n tug n tãag a kaalemã poorẽ yuum woko. La a ra yume n kodgd pesg n put a hadiigã zao-rãmba, Wënd yard be b yĩnga, n waoogd-ba, tu yaa mangr ne a pagã, n leb n yaa gũusg ne noanglem ning sãn da be bãmb suka.



3-Wahı wā (tumsgā) singre

Tĕn-tuum a Mohammad, Wĕnd puusg la A tulgr be a yĭnga, ra yum n da be zugd sĕn yaa zısg zugu Wĕnd sĕn naan-a wā teka, la nebā rag n boond-a lame tı Aşşaadık Al-amiin (sıd-soab sĕn yaa bas-m-yam soaba), la a rag n yume n lagemd-ba tuum sĕmbsā pugĕ, la a kisgd bũmb ning bāmb sĕn be a zugā, sĕn yaa kufĕnd tuumā, a ka lagemd-b a pugĕ ye.

La a sĕn wa n ta yuum pis naase -mikame t'a rag n bee Maka- la Wĕnd na n tũus-a t'a na n yı Tĕn-tuuma, tı Malek a Gibriil tulgr be a yĭnga waa a nengĕ, ne suura ning sĕn yaa pipi n sig Alkurāan pugĕ wā zugu , yĕ me la Wĕnd koεeg sĕn yeele, A Naam zĕkyā:

﴿أَقْرَأْ بِأَسْمِ رَبِّكَ الَّذِي خَلَقَ ۝١ خَلَقَ الْإِنْسَانَ مِنْ عَلَقٍ ۝٢ اقْرَأْ وَرَبُّكَ الْأَكْرَمُ ۝٣ الَّذِي عَلَّمَ بِالْقَلَمِ ۝٤ عَلَّمَ الْإِنْسَانَ مَا لَمْ يَعْلَمْ ۝٥﴾ [العلق: 1-5]

(Karem ne f Soab ning sĕn naana wā yuure.(1) A naana ninsaala sĕn stng ne zı-pelle (2) Karem, tı fo Soabā n yud ne kũuni.(3) Sĕn wilg-a kaal-moogā gulsgo (4) A wilga ninsaala bũmb ninga a sĕn da pa mi. (5) [Al-Alak 1-5].

T'a wa a paga a hadiigā nengĕ, Wĕnd yard be a yĭnga, t'a sũurā rigda, n togs-a kibarā, t'a kĕes-a yĭn-yĕnggo, la a tall-a n kĕng ne a sāmbubā biig nengĕ, a Warakat sĕn yaa a Nawfal biigā -la yĕ rag n yume n kĕ Nasaar-rāmbā dĭnĕ, n karem Tawraatā la Lingiilā, t'a hadiigā yeel-a: " m sāmbub biiga! Kelg f saam-biigā biig koεega". T'a Warakat yeel-a: " m saam-biig biiga! Yaa bĕe la fo ne?" Tı Wĕnd Tĕn-

tuuma, -Wënd puusg la A tigr be a yīnga- togs-a a sēn yā būmb ningā kibare, t'a Warakat yeel-a: (Yā wā la Naab no-rees ning sēn sig a Muusā wā, kato, m sā n da paamē n ket n vi wakat ning fo nebā sēn wat n na n yiis foomā, tī Wënd Tēn-tuuma, Wënd puusg la A tigr be a yīnga, yeel-a: " b na n yiisa maam laa?" T'a yeele: " n-yeel! ned ka wa ne fo sēn wa ne būmb ningā lae, rēndame tī b maan-a beem, la fo raarā sā n paam maam, m na sōng-f sōngr tekē)².

La Mak pugē, Alkurāanā kell n tonga taab n sigd a zugu, t'a Gibriil sigd ne-a, tigr be a yīnga, n yi bōn-naands Naab nengē, wala a sēn leb n wat a nengē ne tēn-tumdā yel-welsdsā.

La a kellame bala n boond a nebā n tugd lslaoongā, t'a nebā bas-a la b zab ne-a, la b togs-a kūuni t'a reeg la a bas a Tēn-tumdā, ligdi la naam, t'a tōdg rē fāa gilli. B yeel-a lame wala nin-bedā sēn da yeel-b tēn-tuumbā sēn da reng taorā: tī yaa tum soaba, yaa zīri-be-neda, la pas-n-rogl-soaba, la b weoog-a, la b yīd-a a yīngē wā, la b nams a pugdbā, La Tēn-tuumā kell n ka bake -Wënd puusg la A tigr be a yīnga- Mak pugē wā n boond n tugd Wēnde, la a kēnged Hagiimdā wakato la Laarab-rāmbā raasē sēn yaa sūdumsā, n sedg nebā beenē, n wilgd-b lslaoongā, la a ka tol n belg ned me ne dūni maa zugēnd ye, a ka bugs ned me ne suuga. Rēnd a ra ka tar pānga, a ra ka yi n yaa naaba. La a waa ne gees-n-taare a boolgā sungrē bala, tī b tōog n wa ne yē sēn wa ne būmb ningā buudu, sēn yaa Alkurāan wagellā, rēnd a ka bak n geesd a zabd-n-taasā ne yell-kānga ye, tī neb nins sēn na n kō sūd ne-a wā, sēn yaa Şahaab wagsā kō-a sūda, Wënd yard be b fāa

² A Albuḥaarū la a Muslim n reeg-a, sēn yi a 'Aatša hadiisē wā, Wënd yard be a yīnga, Şahūh Albuḥaarū (2) 1/7, la Şahūh Muslim (153) 1/139.

yīnga. La Mak pugē wā Wēnd waoog-a lame ne yel-solemd zisgā, yē me la [sraa'u (Yun-kēnde), n kēng Bayt Almakdas(Fulstun), rē poorē t'a ruug beenē n kēng saasē wā, la būmb ninga sēn yaa b sēn mi, yaa tū Wēnd zēkame n tug saasē wā nabiyaama a [lyaase la a Sus-tu-maage,tulgr be b yīibā yīnga, wala sēn togse moeembā nengē wā la Nasaar-rāmbē wā. La Nabiyaamā, Wēnd puusg la A tulgr be a yīnga, a reega sagl tū b puussā saasē wā, yē me la Puusg ninga lūslaambā sēn puusdā noor a nu raar pugē wā, la Mak -yasa- la yel-soalem kāseng a to wā me leb n yū, yē me la kiuugā pārgre, halū tū kīfr-rāmbā yā-a.

La Kurayš kīfr-rāmba ruka sor buud fāa, sēn na gūd Nabiyaama, sēn na yū n nams-a la b zāag nebā ne-a la b maan koko kegeng wusgo yel-soalemā la tagmas-rāmbā baooob pugē, n kos sōngr ne Yahuud-rāmba, tū b kō bāmba daliil-rāmba sēn na sōng-ba tū b paam n wē no-koεma ne-a la b gūd nebā n yī-a.

La Kurayš kīfr-rāmbā b lūslaambā namsgā sēn wa n tongā, Nabiyaamā -Wēnd puusg la A tulgr be a yīnga- kō-b la sore tū b yīki n kēng Habaša (Etioopi), la Nabiyaamā, Wēnd puusg la A tulgr be a yīnga, yeel-b lame: "ad naab n be beenē, n yaa tēeg turg soaba, b ka wēgd ned a nengē ye" .La a ra yaa naaba, sēn yaa Nasaar-rāmbā dīinā neda. Tū sul a yīib sēn yī Sahaabsā pugē na n yīk n kēng Habaša, la boabdbā sēn wa n ta Habašā wā, b goma ne naabā sēn yaa a Naḡaašū wā, dīin ninga Nabiyaama a Muhammad Wēnd puusg la A tulgr be a yīnga, sēn wa ne dīin ningā, t'a kō sūda la a yeele: "yā wā -m wēend ne Wēnde- ne būmb ninga a Muusa -tulgr be a yīnga- sēn wa ne wā, b yīta tuk a yembr pugē. Tū Nabiyaama nebā sēn namsd-a wā kell n kiigd a zug, yē ne a Ṣahaabsā.

La neb nins sēn kō sud ne-a hagiimdā zīisē wā, yaa neb sēn yi Madiina n wa, tu bāmb rāmba na n balm-a ne lslaoongo la b na n sōng-a lame tu b sã n wa bāmb tēngē wā, la b ra boonda beenē tu (Yaṭṛṭb), t'a kō sor ne neb nins sēn da kell yē Ṣahaabsē wā n da be Makā, tu b yik kēng Madiina, tu b yik n kēng beenē, tu lslaoongā sāeeg Madiina, halu tu zak ka be beenē, rēndame tu lslaoongā kēe-a lame.

La Nabiyaamā, Wēnd puusg la A tulgr be a yīnga, sēn maan yuum piig la tāab Mak pugē, n boond n tugd Wēnd nengē, Wēnd kō-a la sor t'a yik n kēng Madiina, t'a na n yik -Wēnd puusg la A tulgr be a yīnga- n tug be, n kell n tong ne boolā n tug Wēnd nengē wā, tu lslaoongā Ṣari-rāmba sikrā kell n puglg taaba Madiina, yembr yembre, t'a sung moasa n tumsd a tēn-tumdbā ne sebā(leta) n tugd buud-rāmbā taoor-rāmbē la nanambsā, tu b boond-b n tugd lslaoongā, la sēn be a sēn tum tu kēng neb nins nengē wā, yaa Rom naabā (Yuunaan), la Furs(lraan) naabā la Misr (Ezipt) naabā.

La Madiin la yell ning sēn yaa wīntoogā sobgrā yī-yā, tu nebā yeese, la ra-kāng zemsa Nabiyaama -Wēnd puusg la A tulgr be a yīnga- biigā a [braahum kūumaa, tu nebā yeele: "ad wīndgā sobgame a [braahum kūumā yīnga" Tī Nabiyaama, -Wēnd puusg la A tulgr be a yīnga- yeele: (Ad kiuugā la wīntoogā, b ka sobgde ned kūum yīnga, ka ned vum yīng me, la ad b yībā, b yaa yel-soalem sēn yi Wēnd yel-soalmā pugē, tu Wēnd tar b yībā n bugsd ne A yembsā)³ Rēnd Nabiyaamā, -Wēnd puusg la A tulgr be a yīnga-, a sã n dag n yume n yaa zīri-be-neda, a na n yāgame n bugs nebā tu b ra yags-a ye, la a yeel tu "ad wīntoogā, a

³ Ṣaḥuḥ Muslim (901)

sobgame mam biigã kuum yĩnga, rënd na n yi wãn-wãna ne ned ning sën yagsda maam?

La Tën-tuumã, Wënd puusg la A tulgr be a yĩnga- a Soabã nags-a la ne zug-wagla, la Wënd sıf-a lame ne A koεεg A sën n yeele:

[العلق: 4] ﴿الَّذِي عَلَّمَ بِالْقَلَمِ﴾

(La ad fo bee zug-wagall zugu) [Surat Alkalamu: 4]

Rënd a yume tu b sıfd-a ne zug-söng fãa, wala sıda, la pu-peelem, la raodo, la tēeg tırğa, la alkaool pidsgu halı n tu tãag ne a zabd-n-taas fãa, la kũuni, la a noang doos maanego ne tals la nimbãan-neba, la pug-kõpa la tulsem-rãmba. N leb n tar noang kegeng ne a na kãndag-ba, n maand yolsg ne-ba, n gãnegd a meng ne-ba, halı tu ned sën yaa sãana, a watame n baood Tën-tuumã -Wënd puusg la A tulgr be a yĩnga- n sokd a Şahaabsã -Wënd yard be b yĩnga- a yelle, n mik a be b sukã t'a ka mi-a ye, n yetē: " yaa ãnda la a Muhammad yãmb sukã?"

La a Surã wã (vumã kibayã) yaa yel-soalem tekē a sën pid keelem, la tırlēm a tumd-n-taarã pugē ne nebã fãa gilli: à be la a zao, sën pē- a la sën zãra, la kãsem la biigã, la rao la paga, we-rũmsã la bõn-yıgdu wã.

La wakat ning Wënd sën wa n pids dīnã n kō-a wã, tu Tën-tuumã - Wënd puusg la A tulgr be a yĩnga- sën wa n taas a tēn-tumdã taasg tekē, a maana kaalem ta yuumã yaa yuum 63 (pis-yoob la a tãabo), yuum 40 (pis naas) n be a pugē taor t'a na n ka yi Nabiyaam ye, tu yuum 23 (pisi la a tãabã) t'a yaa Nabiyaama n yaa Tën-tuuma. La b

mum-a la Madiina-Wënd puug la A tulgr be a yīnga- a ka bas arzeka, a ka bas faado, sã n ka a boang-wεεgã sēn yaa pεεlgã, a sēn da zao a soabã, la puug a sēn maan ti yaa doaaga kēn-kēndbã yīnga.⁴

La neb nins sēn da sak n na n tū dīinã la b kō sid ne-a la b pug-a wã, b sōorã rag n yaa wusgo, la tūu-a lame n kēng hagiimdē wã, sēn yaa a Şahaabsã sãnda Wënd na wat ne hagiimdē wã, sēn yud neb 100 000 (tus koabga) la rēnda yu taoor t'a na ka maan kaalem kiiug a tãabo, rēnd tōoeme ti yaa woto la a dīinã gūubã la a sãaegrã sabab-rãmb sãnda. La a Şahaabs nins a sēn da wub-b rãmb ne lslaoongã zugdã la a na-kēndrã, n yaa Şahaabse (tūud-n-taas) sēn yud sōmblem, turlem, la dūni yīgsgē la nedemdo la alkaool pidsgu, la kūun la nidig-pãnga dīin-kãngã poorē sēn yaa dīin zısgã, b sēn kō sid ne-a wã.

La a Şahaabsã, sēn wa n tug n yud bedrem -Wënd yard be b fãa yīnga- ne liimaoongo la bãngre la tuuma, la pu-peelem, la sidgre, la kūuni la raodo, yaa a Abuu Bakr Aşşıdiik (sēn yaa sid-kõtã), la a 'Umar [bn Al-ḥaṭṭaab la a 'Uṭmaan [bn 'Affaan, la a 'Ali [bn Abṭaalib, Wënd yard be b yīngã, la bãmb bee neb nins rēenem sēn kō-b sid ne-a la b sidg-a wã, la yu bãmb me la ledsba Nabiyaamã poorē, neb nins sēn zēk lslaoongã Lεema a loogrã poorē, b ra ka tar baa fu sēn yaa Nabiyaamdīmã yel ye, a leb n ka welg-b ne bumb n kō-ba ti pa tū ne Şahaabs nins sēn kellã fãa ye, Wënd yard be b yīnga.

La Wënd gūu a Gaf ning A sēn sik n kō-a wã, la a sunnah, la a Surã wã (vumã kudemde) la a koesã, la a tuumã ne a buuda gomd ninga a sēn gom ne wã, la b ka gū ned Sura (vum yelle) -dūni wã sungr tekē-

⁴ Şahuh Al-buḥaarū (4461) 6/15.

wala b sēn gūus a vumã yellã -Wēnd puusg la A tulgr be a yīnga- b pus
n gūus a sēn gōe to-to la a sēn rute la a sēn laade. La a sēn da tumd
ne a zakã-rãmb to-to a zakã pugē? La a yelã fãa yaa bũmb b sēn gūusi,
n kuls-a a surã wã (vumã yel) pugē, rēnd a yaa yīng soaba, n yaa Tēn-
tuuma, a ka tar Rubuubiya (Sobendmã) yell baa kidg ye, a ka so a
meng yīng nafa maa namsg ye.



4- A Tën-tumdã

Wënd tumsa a Muhammad Wënd puusg la A tulgr be a yĩnga, lagem-n-taarã la kufëndã la zulmã sën wa n gũbg dũni wã ween-vusã fãa, tĩ tẽngã poor zugu, ned ra ka be beenẽ, n tũud Wẽnde, n ka maan lagem-n-taar ne-A ye, sã n ka bilf bala sën yaa neb saare, sën yi Gafa taabã rãmbẽ, tĩ Wẽd tums a Tën-tuumã a Muhammad -Wënd puusg la A tulgr be a yĩnga- t'a yaa Pidsda ne nabiyaam-rãmbã la tẽn-tuumbã, Wënd tums-a lame ne kãndagre la dũin sën yaa sũda, bõn-naandsã fãa gill yĩnga, bul yĩng t'a na wa n wil dũin-rãmbã fãa gilli, la a na yiis nebã lagem-n-taarã la kufëndã la zulmã ligsẽ n tug Wënd yembgã la sud-kũunã vëenemẽ. La a tẽn-tumdã yaa sën pids tẽn-tuum-rãmb nins sën reng taorã puusg la tulgr be b yĩnga.

La a boolame n tug bũmb ning fãa nabiyaam-rãmbã la tẽn-tuumbã sën bool n tugã tulgr be b yĩnga: A Nuuh la a [braahum la a Muusa la a Sulaymaan la a Daawud la a [isa- sën yaa sud-kũuni tĩ Soabã Yẽ la wẽnde sën ya a Naandã, n ya a Rũgdã, n ya a Vuugdã, sën ya a Kuudã, n ya a Naam Soadã, la Yẽnda la sën kẽnsd yelã, la Yẽnda la a nimbãan-zoeta, n ya a Yoalsda, la Wẽnde, Yẽ la Nannda bũmb ning sën be ween-n-vuugã fãa gill pugẽ wã, tõnd sën ne la d sën ka ne wã, La zẽng sën ka Wënd fãa yẽ yaa bõn-naandga sën yi A bõn-naandsẽ wã.

Wala a sën boole n tug Wënd tũudum a Yembr tãa, la b bas zẽng sën ka Yẽnda tũudum, la a vëneg vënegr tekẽ tĩ ad Wënd yaa A Yembre, lagem-n-taar ka be ne-A ye, A tũudmã pugẽ, la A Naamã pugẽ, la A Naanegã pugẽ la A kẽnesgã pugẽ. La a vënegdẽ -vënegr tekẽ tĩ ad Wënd yaa yembre lagm-n-taar ka be ne-A A tũudumã pugẽ maa A naama pugẽ maa A naangã maa A rabgã, la a vëne g tĩ Wẽnde

-A Naam yulgame- A ka roge b ka rog-A , A ka tar mak-n-taaga A ka tar bilig-n-taaga, laa A ka sigid baa fuu pugẽ A bõn-naandsẽ wã A leb n pa rkd a yĩngã n lebg-a ye.

La a boolame n tug sid-kũuni ne Gaf-rãmb nins sãn yaa Wẽnd Gaf-rãmbã sãn reng taoore, wala a [braahum la a Muusa Gaf-rãmba, puusg la tulgr be b yĩbã yĩnga, la Taooraatã la Zabuurã la Lingiiliã. Wala a sãn boole n tug sid-kũuni ne tẽn-tuumbã fãa gilli, tulgr be b yĩnga, la a wĩnig tu ned ning sãn yags nabiyaam a yembre, a kfla ne nabiyaam-rãmbã fãa gilli.

La a kõ nebã fãa gill kiba-noogo ne Wẽnd Yolsgã, la Wẽnd n na n sek-ba dũni kaanẽ, la ad Wẽnde, Yẽnda la Naabã n ya a Yolsda, la Yẽnda A Yembr tãa n na n geel bõn-naandsã Yikra raarã A sãn wat n vuug-ba b kũumã poorẽ n yi b yaadẽ wã, la ad yaa Yẽnda me n na n rol sid-kõtbã b tuum sõmã wã wala b sãn tumã buud bilgr piiga, la tuum wẽng (rolb) yaa wala tuum wẽngã buud bala. B leb n tara vi-noogo sãn duumdi Yaoolem raarã. La ned ning sãn kfla la a tum tuum wẽnse, a na n paama a rolb dũni kaanẽ la yaollem raarã.

La Tẽn-tuum a Muhammad -Wẽnd puusg la A tulgr be a yĩnga- a tẽn-tumdã pugẽ a ka waoog a buudã a ka waoog a tẽngã ka a mengã sãn yaa zısgã, pus n waa Alkurãan wagellã pugẽ nabiyaam-rãmbã yui, a Nuuhu la a [braahum la a Muusa la a [ısa, tulgr be b yĩnga, n yud Nabiyaamã yuurã sãn wa wã , la b ka togs a ma wã yuure ka a pagbã yui me Alkurãanã wagellã pugẽ ye. La waa Alkurãanã pugẽ, a Muusa ma wã yell togsgo sãn pa vugri, la a Maryam -tulgr be a yĩnga- a yuurã puda a pugẽ noor 35 (pis-tã la a nu).

La Těn-tuum a Muhammad -Wěnd puusg la A tulgr be a yīnga- b gūu-a lame n yi ne būmb fǎo gill sěn yōsgd Šari wǎ la yam la Fıtra (rog- ne wǎ) maa zug sōng sěn ka sakd būmb ningǎ, bala nabiyaam- rāmba,puusg la tulgr be b yīnga, b gūb lame n yi yōsgre būmb ning b sěn taasde sěn yi Wěnd nengě wǎ, la yaa bāmb me la b sěn rogl-b rāmb tı b taas Wěnd saglsǎ A yembsě wǎ. La nabiyaam-rāmbǎ b ka tar būmb sěn welg ne bāmba sěn yaa Rubuubiya (Sobendem) yell ye, bı Ulubhiya (Sobend tūuds) ye. Pus n ka woto ye, bāmb me yaa yīns rāmba wala neb a taabǎ, tı Wěnde -Anaam zēkyǎ- tumd A těn-tuma tı kēngd b nengě.

La kaset-rāmb sěn tug n be beeně n yuda, n wīngd tı Těn-tuum a Muhammad-Wěnd puusg la A tulgr be a yīnga- Těn-tumdǎ yaa sěn tum tı yi Wěnd nengě wǎ, yaa sěn mik tı halı n tı tǎag rūndǎ a beeme, wala a sěn dag n yaa a soaba Nabiyaamǎ vumǎ wakatǎ, tı neb tūud-a sěn yud lıslaam Milyaare(1 000 000 000), b maanda a waagib-rāmbǎ sěn yaa Šari wǎ, wala Puusgǎ ,la Zakǎ, la no-loeerǎ la Higiimdǎ, la zēng sěn ka rēnda, tı ka tū ne toeengo maa golengo.



5- A Nabiyaamdmã tagmas-rãmbã la a daliil-rãmba

Wënd kengda A Nabiyaam-rãmba ne yel-soalm sën wiligd ti b yaa nabiyaam-rãmba, la A leb n köt-b töogre la gom-n-lub sën wilgd b tẽn-tuumdmã, la ad Wënd koo nabiyaam fãa sën yaa yel-soalmã, bumb ning sën sekdti ninsaalbã koo suda ne a buudã, la yel-soalem-rãmb nins b sën koo nabiyaam-dãmbã sën tug n yaa zısg n yuda yaa tønd Nabiyaama a Muhammad yel-soalem-rãmbã Wënd puusg la A tulgr be a yĩnga, bala Wënd koo-a la Alkurãan wagellã, yẽ me la yel-solemde sën kelle tẽn-tuumbã yel-soalem-rãmbẽ wã n na n tug n tãa dũni wã yikr raare. Wala Wënd sën keng-a ne yel-soalem-rãmbã sën yaa bedã, la Tẽn-tuuma a Muhammad -Wënd puusg la A tulgr be a yĩnga- yel-soalem-rãmbã yaa wusgo, sën be b pugẽ:

yaa [sraa'u la Ml'raağ (Yun-këndã la Yun-duurã), la kiuugã pãrgr, la sa-koomã kiigri noor wusgo a sën kos a Soabã poorẽ t'A yũnug nebã war sën paam-b poorẽ.

La rub maan ti lebg wusgo, la koom sën yaa kidg wusgre, ti neb sën yaa wusg rı-a maa b yũ-a.

La a sën köt kibay ne yel-soondı sën loogã ned baa a yembr ka bãng a sën yı to-to ye, la yaa Wënd n togs-a, wala nabiyaam-rãmbã kibayã -tulgr be b yĩnga- bãmb ne b nebã yelle, la vadgã rãmb kibarã.

La a sën köt kibay ne yel-soandı sën wate, ti sid yı rẽ loogr poorẽ, ne Wënd sën dag n koo-a kibar A Naam yulgame, wala bugum ning

kibar sĕn yit Hiġaaz tĕngǎ wĕengĕ, tı neb nins sĕn be Šaam yǎ-a. La nebǎ sĕn na n wa met meoongǎ n tomdǎ.

La Wĕnd sĕn sek-a la A gŭ-a n yi nebǎ.

La a sĕn pulem a Šahaabsǎ tı yı wǎ, wala a sĕn yeel-ba: (Ad yǎmba na n paka Faaris la Ruum, la ad yǎmb n na n rik b arzogsǎ n kĕes wĕnd Sorǎ puga)

La Wĕnd sĕn leb n sōng-a ne malegsǎ.

La nabiyaam-rǎmba,puusg la tıgr be b yīnga, sĕn kō b nebǎ kibanoodo ne Tĕn-tuumǎ a Muhammad nabiyaamdemǎ -Wĕnd puusg la A tıgr be a yīnga- la sĕn be sĕn kō-b sŭ-noogr ne-a woongǎ, ya a Muusa, la a Daawooda, la a Sulaymaane, la a İsa, tıgr be b yīnga, la zĕng sĕn ka bǎmba sĕn yi İsræel koambǎ nabiyaam-rǎmbĕ wǎ.

La sĕn lagem ne tagmas-rǎmb yam pugĕ la bilg-rǎmb (5) nins sĕn togsde tı yam sōng sakd n reeg-a wǎ.

La Aayae-bǎmbǎ, ne daliil-dǎmbǎ, la bilgr-rǎmb nins sĕn yaa yammokr wĕengĕ wǎ, b yaa bŭmb sĕn sǎeeg n yadg Alkurǎan wagellǎ la Nabiyaamǎ Sunnah puga, la a tagmas-rǎmbǎ waoogame n yud geelgo, ned ning sĕn rat n na n yals a zugu, bı a ges Alkurǎan wagellǎ la Nabiyaamǎ Sunnah gaf-rǎmbĕ, la Nabiyaamǎ Surǎ wǎ (vumǎ kibay) rĕnd kibar vĕeneg be b pugĕ sĕn kĕed ne tagmas-kǎensǎ.

La tagmas-kǎensǎ sĕn yaa bed-bedǎ sǎ n rag n ka yıĕ, a zabd-n-taasǎ sĕn yaa Kurayš kıfr-rǎmbǎ la Yahud-rǎmba la Nasaar-rǎmba, sĕn rag n be Laarab-rǎmbǎ zamaanĕ wǎ, b rag n na paam sĕka n yags-a la b bugs nebǎ n yı-a.

La Alkurāan wagellā, yēnda la gaf ning Wēnd sēn tums ti tug A Tēn-tuum a Muhammad nengē wā -Wēnd puusg la A tulgr be a yīnga-yēndā me yaa bōn-naands Naabā Goamā, la Wēnd geesa ninsaalbā la zīn-dāmba ti b wa ne a bilg-n-taare, maa suura α yembre sēn wōnd wa a Suur-rāmbā a yembre, la geesgā ka bak n beē n ti tāag rūnda, la ka tōe ye. la Alkurāan wagellā, a leokda sogsg wusgo sēn yirbd neb tus kēema wusgo. La Alkurāan zūsgā yaa būmb b sēn gū n ti tāag rūndā ne Laarabiimd ningā a sēn sig ne wā, baa gom-bil a yembr ka boog a pugē ye, yaa būmb me sēn wē n yiisi (ēmprime) ti b sāeeg-α, a yaa gaf sēn yaa zūsgo n komsd α geesdbā, yē me la gaf sēn yud zūslēm sēn wa nebā nengē, ti sōmb ti b karem-a maa b karem a maanā wā sēn lebg ne bu-zēmsā goamā. La ned ning a lak-n-ges la a sūd-kūun sēn pōsg a soaba, ad sōma gill pōsg yēnda, Wala Tēn-tuum a Muhammad Sunnah -Wēnd puusg la A tulgr be a yīnga- la a na-kēndrā la a Surā wā (a vumā kibay), yaa būmb sēn gūusi, n ruk ti lolme, n tū ne togsdb b sēn tar bas-m-yam ne b rāmba, yē me yaa būmb sēn ēmprime (wē n yiisi) ne Laarabiimd ninga Tēn-tuum a Muhammad -Wēnd puusg la A tulgr be a yīnga- sēn gom ne-α wā ti yaa wala a ket n vu tōnd suka. A yaa būmb me sēn lebg n tug buud gom-rāmb wusgo, la Alkurāan wagellā ne Nabiyaamā Sunnah -Wēnd puusg la A tulgr be a yīnga- bāmbā b yīibā la yēgr α yembr tāa b sēn yākd lūslaoongā buudo la a Šari-rāmbā a pugē.



6- Šari ninga Těn-tuumã a Muhammad sěn wa ne-a wã, Wěnd puusg la A tulgr be a yīnga-

Šari ning Těn-tuumã a Muhammad sěn wa ne-a wã -Wěnd puusg la A tulgr be a yīnga- yě la lslaoongã Šari, yaa yěndã me n pids Wěnd Šari-rãmbã la Wěnd těn-tumã, la yě me sã n yaa a yěgē wã, a wōnda wala nabiyaam-rãmb nins sěn reng taorã Šari-rãmbã, baa tı b yalē wã sã n yōsa taaba.

Yě me la Šari pitgã, a yaa bũmb sěn sakd zamaan la zīg fãa pugē, nebã dīinã la dūni manegr be a pugē, yě me yaa bũmb sěn kumb tũudmã fãa gill sěn yaa tulae n rog yembsã tı b maan-a Wěnd yīnga sěn yaa bōn-naands Naandã, wala Puusgo la Zaka, a leb n vēnegdē n wiligda bãmba tumd-n-taarã arzek weengē la baooobã la nebã vuism-n-taarã, la Těms zãab (politikã) yela la zaba la ween-n-vuga koglg yela, sěn sakd a pugē la sěn ka sakde, la zěng sěn ka rěnda sěn yaa bũmb ning nebã vumã sěn tar tulsem ne-a la b yaoolem raarã.

La ŠaRi-kãngã gũuda nebã dīina la b zumã la b burkīndã la b arzegsã la b yamã la b koambã, a yaa bũmb sěn tigim zug-sōmse la manegr buud fãa, la a bugsd n yit tuum beed fãa la maan wěng fãa, a boondame n tugd ninsaal waoogre, la těng-n-sugre la tēeg turga la pu-peelem la yulgre la maan-tı-yı-sōma la noanglem, la rat-neer ne nebã la b zumã gũusgu la těmsã laafi, la a leb n gidgd nebã pelmes yıkre tu ka tũ ne hake ye. La Těn-tuumã a Muhammad -Wěnd puusg la A tulgr be a yīnga- a rag n yume n zabd ne kedgrã la sãangã a yalē la a kōbgã

fāa, la a zabd ne zīri-beedā la nebā zāagrā la Labiimdu (welg-n-bas dūni n teeg tūudum bala).

La Tēn-tuumā a Muhammad -Wēnd puusg la A tulgr be a yīnga- a vēnegame n wīnig tū Wēnd waooga ninsaala, rapa la pagba, la A gūus a hake-rāmbā fāa gill n kō-ba, la A maan-a tū yēndā n tukd a yam yākrā ye le la a tuumā la a manes mā fāa, la A leb n rogl-a yē sēn tum tuum buud fāa gilli sēn namsd a menga maa namsd neb a taabā, yaa yē la b sokda, la A maan paga la rao tū yaa yembre, sā n yaa sid-kūunā wēngē la reeg-m-zugē wā wēngē la rolbā la yel-sōmdā wēngē. La bee Šari-kāngā pugē ning-m-toaag sēn welg zalle ne paga, zem t'a yaa ma maa paga maa a yaa bi-pugla maa tǎo-poaka.

La Šari ninga Tēn-tuumā a Muhammad sēn wa ne-a wā -Wēnd puusg la A tulgr be a yīnga- a waame n na n gū yamā, la a gidg būmb fāa sēn sāamd-a, wala rāam yūubu, rēnd lūslaamdā a maaname tū dīinā yaa vēnem n toond yamā t'a ruk a sorā, buul yīng tū ninsaal na tū a Soabā ne pu-tēer la bāngre, la lūslaoongā Šari wā zēka yamā yelle la a maan-a tū yaa yēnda la tuumā roglg tēega, la a loadg-a n yi zīri-beed la rog-m-mikā bāense la rubsa yela.

La lūslaoongā Šari wā a zisgda bāng-sōngo, la a leb n pirsd bāngr pēes bao n bāng, sēn pidg n zāag ne yōor yamleooogo, la a boond n tug tū b tags n ges yōorā la ween-vuuga wēngē, la būmb ninga b sēn yiisd bāngr pēes n bao n bāngā pugē wā a sā n yī sōma a pa kusd būmb ning Tēn-tuuma-Wēnd puusg la A tulgr be a yīnga- sēn wa ne wā ye.

La pa be Šari wā pugē, welg n yiis kōbgo nebā pugē tū yaa yē n yud tū ka tū ne gōbg a taaba ye. Yudlem leb n ka be beenē ne neb a taaba

nin-zěms zug ye. B fāa gilli a buudā pugē b yaa yembre, bala nebā fāa gilli b yēgrē wā yaa yembre, yudlem ka be ne kōbgo kōbg a to zugu leb n ka be ne neba neb a taabā zugu rēnda ne Wēnd zoεεg bala. La Tēn-tuuma a Muhammad -Wēnd puusg la A tulgr be a yīnga- kōo kibare tū ned sēn rog fāa a rogda Fıṭrā (Wēnd naanegā) zugu, ned ka be ninsaalbā pugē n rogdē t'a yaa tudgd ye, maa a rık nin-zēng tudgr faad ye.

İslaoongā Šari pugē Wēnd maana tuubgu, yēnda me la: ninsaal lebs a meng Wēnd nengē la a bas zunuubā, la İslaoongā a wurda būmb ning sēn renga taorā sēn yaa zunuubā, la tuubgā a sūkda būmb ning sēn reng a taorā sēn yaa zunuubā fāa, rēnd tulsem ka be tū f maan reeg-m-zugē n na n togs f zunuub-rāmbā bōn-naandsā taor ye. Rēnd İslaoongā pugē tōk-n-taare ytame ninsaalā ne Wēnd suka turga, rēnd a ka tar tulsem n tug neda t'a yū tēng-n-sugre foom ne Wēnd suk ye, rēnd İslaoongā gudgdame tū b wa maan neba tū b yaa wēnd-dāmba maa lagem-n-taase ne Wēnd ye, zem tū yaa A Wēndİmē wā maa A Soabendē wā.

La Šari ninga Tēn-tuumā a Muhammad -Wēnd puusg la A tulgr be a yīnga- sēn wa ne wā, a yēesda Šari-rāmb nins sēn reng taorā, bala İslaoongā Šari ning Tēn-tuumā a Muhamaad Wēnd puusg la A tulgr be a yīnga, sēn wa ne tū yī Wēnd nengē wā, yēnda la Šari-rāmbā fāa baasdga, n na n tug n tāag dūni wā yıkr raare, a yaa bōn-naandsā fāa gill yīnga, rē n kūt t'a yēes Šari-rāmba sēn reng taorā, wala Šari-rāmb nins sēn reng taorā me sēn yēes taabā. La Wēnde A Naam yulgame n zēke, A ka reegd Šari zēng tū ka İslaoongā Šari ye, A ka reegd dīn me tū sā n ka İslaoongā dīn ye, Tēn-tuuma a Muhammad -Wēnd puusg la A tulgr be a yīnga- sēn wa n-a soabā. La ned ning sēn wa n

tug kē dīin zēng tī ka lslaoongā b ka na n tol n reeg a yīng lae-lae ye. La ned ning sēn rat n bāng Šari-kāngā buodā sēn welse, bī a bao n bāng gaf-rāmb nins pusē b sēn tar bas-m-yam ne-a wā, gaf-rāmb nins sēn wiligd lslaoongā sēn yaa a soabā.

Ad lslaoongā Šari wā raabā -sēn yaa wala Wēnd tēn-tumā fāa raabā- yaa tī dīin sudā zēnk ninsaala, tī a yī yamba sēn welg toor ne wēnd sēn yaa bān-naandsā Naabā, la a baa-ga n yī ninsaalbā maa āndūni wā maa yel-yaals yembdo.

Ad lslaoongā Šari wā, a yaa būmb sēn manege zamaan fāa la zīig fāa pugē, la ka be a pugē būmb sēn pōnd ne ninsaal raab nins sēn manega ye. bala a yaa būmb sēn siki n yī Wēnd nengē, sēn mi būmb ninga nebā sēn tar tuslem ne-a wā. La nebā tara tulsem n tug Šari sēn yaa sōma a toore, sēn ka yidgd taab ye, sēn manegd ninsaalba, tī pa ned baa a yembre n yēmbg-a ye, la a yitame n yaa b sēn deege n yī Wēnd nengē, t'a peegd nebā n tugd sōma la kāndagr sore. Rēnd b sā n tall-a n bu b yela manegda me la b paam tulgre n yī bāmb ne taab wēgdā.



7-A zabd-n-taasã yãnesg zīiga la b kaset-rāmba maanego ne-a

Sik ka be ti Nabiyaam fãa tara a zabd-n-taase, ti b maand-a beem la b yãa a boolgã sor zugu, n gti nebã ti b ra kã sid ne-a ye. La Wënd Tën-tuumã a Muhamad -Wënd puusg la A tulgr be a yīnga- a rag n tara zabd-n-taas wusgo, a vumã wakat la a kuumã poorẽ, la ad Wënd sōng-a lame t'a tōog-b fãa gilli. La kaset-rāmb pugla taaba sēn yi b wusgã fãa nengẽ - kudgo la paalm-paalem- t'a yaa Nabiyaama, la ad a waa ne wala bũmb ninga nabiyaam-rāmb nins sēn reng taorã sēn wa ne wã, puusg la tulgr be b yīnga, la ad bãmb miime t'a bee sid zugu, la ad yel gidigs wusgo n gidigd-b wusgã fãa ti b ka kōt sid ne-a ye, wala zugundã noanglem maa nebã zoese, maa yaa ligd ning a sēn paamde a naamã poorẽ wã kongr rabeem..



Content

NE WĒND YUURĀ ALBARKA, SĒN YA A DŪNI GŪBG N YOLS NAABĀ, N Ya a YaOOLEM RaaR WELG N YOLS NAABĀ!	4
1-A YUURĀ, LA A BUUDĀ, LA TĒNG NINGα A SĒN ROGE LA A BI A PUGĒ WĀ.	5
2-ALBARK FURĀ LOESE NE ALBARK PAGĀ:	6
3-WAHI WĀ (TUMSGĀ) SINGRE.....	7
4- A TĒN-TUMDĀ	14
5- A NABIYAAMDMĀ TAGMAS-RĀMBĀ LA A DALIIL-RĀMBA	17
6- ŠARI NINGα TĒN-TUUMĀ A MUHAMMAD SĒN WA NE-α WĀ, WĒND PUUSG LA A TILGR BE A YĪNGA-	20
A ZABD-N-TAASĀ YĀNESG ZĪIGA LA B KASET-RĀMBA MaaNEGO NE-A	24
СОДЕРЖАНИЕ	خطأ! الإشارة المرجعية غير معرفة.